

---

## HERNANI. UDAL AURREKONTUAK 2016: Proposamenak egiteko saio irekiak

---

-2015-04-27. SAIOAREN AKTA-



### **BILERAREN XEHETASUNAK/ DETALLES DE LA REUNIÓN:**

- Bilera zenbakia/ *Número de reunión*: 3
- Xede taldea/ *Grupo de trabajo*: Ingurumena eta natur baliabideak, Tokiko Garapena, Hondakinak, Energia, Merkataritza, Turismoa, Lan eta enplegu eremua.
- Data/ *Fecha*: 2015-04-27
- Lekua/ *Lugar*: Gabriel Zelaia
- Hasiera ordua/ *Hora de inicio*: 19:00
- Amaiera ordua/ *Hora de finalización*: 21:00

### **DINAMIZAZIOA/ DINAMIZACIÓN:**

- Parte hartzaile kopurua/ *Número de participantes*: 4 herritar, 2 gizon eta 2 emakume. 2 teknikari eta ordezkari politiko 1.
- Dinamizatzailea/ *Dinamizadora*: Maitane Barrenetxea

## **1. ONGI ETORRIA ETA AURKEZPENA**

Luix Intxauspe Hernaniko alkateak saioari hasiera eman dio. Lehengo urtean abian jarritako esperientzia jarraituz, aurtengoan ere Erabaki Hernani Decide prozesua martxan jartzea erabaki dugu. **Herritarrek Udal politika publikoetan duten partaidetza sustatzeko eta herritarren artean beste kultura politiko bat sortzeko** asmoarekin abiatu zen prozesua.

Lehengo urteko prozesua izan zen azken urteetan Aurrekontuarekin zerikusia duen lehendabizikoa, eta orduan esan zen bezala, **urtez urte errepikatzeko asmoarekin** sortu zen. Urtetik urtera ere prozesuan erabakigai jarriko diren atalak zabalduz, etab.

Alderdi ezberdinen artean adostutako prozesu bat izan da, eta hartutako konpromisoa honela laburtzen da:

- Udal Aurrekontuaren inguruko eztabaida eta erabaki prozesurako **500.000€** izango ditugu aurten.
- 500.000€ hauetatik 50.000€ izango dira urtez urte errepikatzeko diren proposamenetan. Proposamen mota hau 3 urtetik behin errebisatuko da.


Udalean nagusi diren **3 alderdi politikoaren adostasunarekin** abiatu da aurten prozesua, beraz, EAJ-PNV, PSE-EE eta Bilduren babesa du prozesuak.

Prozesu honetako lanketa metodologiko eta teknikoaren ardura **Aztiker** Ikergunearen esku egongo da. Euren laguntza izango dugu dinamizazioan eta prozesuaren lanketa teknikoan.

Aurkezpenaren ondoren, lehengo urtean Erabaki Hernani prozesuan atera ziren proiektuak erreparasatu ditu Alkateak:

2015EKO AURREKONTURAKO PROIEKTUA	EGUNGO EGOERA
<b>Herriko parke eta kaleetan edukiontzi gehiago jarri (14 multzo inguru)</b>	Edukiontzi gehienak jarri dira, auzoetako ordezkariekin hitz egin ondoren, beharrezkoak ikusi diren puntuetan, besteak beste Lizeagan, Zikuñagan... Oraindik batzuk jartzea falta da.
<b>Behar bereziak dituzten haurren integrazioa eta sorkuntza lantzeko dirulaguntza</b>	Diru laguntza eman aurretik oinarri batzuk prestatu behar dira diru laguntza horiek emateko baldintzak zehazten, etab. Lanketa hori egiten ari dira momentu honetan, eta espero da lehenbailehen argitaratzea.
<b>Herriko oztopo arkitektonikoak lantzeko Irisgarritasun partida handitzea</b>	Koxkak urtero izan ohi duen 30.000€ko partida aurtengoan 60.000€koa da. Hainbat hobekuntza eta lanketa egin dira dagoeneko, Udaletxe eta Elizako tunelaren ondoan egin den Ranpa dugu horren adibide. Hala era, kantitate hau urte osoan zehar kudeatzen jarraituko dute, hobekuntzak eginez toki ezberdinetan.
<b>Herriko haur parkeren bat estaltzea</b>	Herriko haur parkeen inguruko azterketa bat egin da, bakoitzaren azpiegitura, erabilera, etab. ezagutzeko. Erabaki da ziurrenik atletismo pistan dagoen parkea estaltzea. Uda ondoren hasiko dira obrak, urria aldera.
<b>Zinkoenetik Floridako tren geltokiraino bidea argizatzea</b>	Argiztapena berritu da Zinkoenetik Floridarainoko bide guztian. Farola berriak dira, gehiago eta hobeto argitzen dute.
<b>Indarkeria jasaten duten emakumeentzat arreta psikologiko eta juridikorako zerbitzua sortzea</b>	Gipuzkoako Foru Aldundiarekin batera lantzen ari dira proposamen hau, eurek eskaintzen duten zerbitzuekin konpatibilizatzeko. Aldundiarekin azken xehetasunak adosten direnean jarriko da martxan.
<b>Komun publiko bat gehiago jarri</b>	Komuna non jarri erabakitzeko oinezko ibilbideak aztertu dira, baita parkeak ere. Honen ondorioz erabaki da Atletismo pistaren inguruan jartzea komun hau. Oraindik ez dago zehaztuta obrak noiz hasiko diren.
<b>Esertzeko banku gehiago jartzea (10 inguru) eta dauden batzuk altueraz igo</b>	Banku gehienak jarri dira, baten bat falta da jartzeko, Urbieta kalean batzuk, herriko beste hainbat lekutan besteak.
<b>Saskibaloian aritzeko kanastak jartzea altuera baxuan bai haurrentzat bai gorpildun aulkian daudenentzat</b>	Oraindik ez da zehaztu non jarriko diren.
<b>Plaza berriko lurra aldatzea ondoko kaleetan dagoen granitozko lurra jarriaz</b>	Plaza berriko lurraren obra duela bi aste hasi zen. Ekainaren 6rako bukatua egotea espero da.
<b>Etxegabetze arrisku egoeretarako kreditu poltsa bat sortzea</b>	Kreditu poltsa bat sortzeko baldintzak aztertzen ari dira juridikoki. Izan ere, kreditu poltsa horretatik dirua emateko baldintzak zehazten ari dira momentu honetan. Horrez gain, ondoren dirua bueltatzeko baldintzak pentsatu behar dira. Lanketa hau Stop Deshauciosekin batera egiten ari dira.
<b>Alokairua sustatzeko dirulaguntza</b>	Gazte Kontseiluarekin eta Stop Deshauciosekin landu dute proposamena. Nahiko aurreratua dago baina Uztailera arte ez ateratzea aurreikusten da (gazteek hala eskatuta), modu honetan 2014ko errenta aitortpena hartuko litzake kontuan.

Luix Intxausperen aurkezpena amaitu denean, Aztikerreko dinamizatzailea den Maitane Barrenetxeak Udal Aurrekontuen inguruko partaidetza prozesu honek izango dituen fase eta urrats ezberdinak zeintzuk izango diren argitu du:



Aurtengo prozesuak badu berezitasun bat, izan ere, **Gipuzkoako Foru Aldundiak** ere partaidetza prozesu bat jarri du Aurrekontuen inguruan. **Beste 500.000€ jarri dituzte erabaki gai Buruntzaldeako Eskualderako**. Ikuspegi honetatik, Hernanin proposamenak jasotzeko garai honetan, bi arloetako proposamenak jasotzen ari gara. Ondoren bereiziko ditugu Aldundiaren prozesuan jarraituko duten proposamenak, eta Udalaren prozesuan jarraituko duten proposamenak.

## **2. BEHARRIZANAK**

Aurkezpenaren ostean, gaurkoan lantzeko izango ditugun gaien inguruko eztabaidari ekin zaio. Eztabaida honen helburu nagusia herriaren egungo egoera aztertzea izan da arlo horiei dagokionean.

Horretarako erabili dugun dinamika arlo bakoitzaren indargune eta ahulguneak identifikatzera bideratua egon da. Bi galdera nagusiri erantzun diete herritarrek:

- Gaur egun arlo honetan dagoenaren inguruan **zer AZPIMARRATUKO zenuke?**
- Zein uste duzu dela arlo honetako **HUTSUNE nagusia?**

Galdera hauei erantzunez, herritarrek euren ekarpenak egin dituzte arloka:



### INGURUMENA

#### Gaur egun dagoenaren inguruan zer AZPIMARRATUKO zenuke?

- Ikerketak egiteko aukerak daude, soinu eta kutsadurak ikertu ahal izateko.
- Hondakinen kudeaketa: konposta, birziklatze tasa ona. Egun 57 kilo/pertsonako.
- Eredutzat gaituzte beste herri batzuetan.
- Gune berdeak errekuperatu dira, plaza – espazioak errekuperatu dira azken urteetan (Bidebieta, Ave Maria...)
- Berdegune potentzialak badaude (Ametzagaña bezelako tokiak egiteko aukerarekin), baina ez dira aprobetxatzen, batez ere eremu pribatuak direlako (pistinak, monje alemanak, Goiz Eguzki eta Pana arteko bideak...)
- Mendiz inguratuta gaude, Aiako harria, etab.

#### Zein uste duzu dela HUTSUNE nagusia?

- Usaiak, batez ere papelerarenak
- Zikina dago herria. Hondakinen inguruan batez ere, horrez gain, Urumea ibaiaren ertzak, batez ere Zikuñaga inguruan.
- Eremu pribatu asko
- Isleta guztiak hormigoizkoak
- Zuhaitz gehiago behar ditugu kaleetan.
- Autoen abiadura handia eta sortzen duten zarata, kutsadura akustikoa
- Zarata, lantegiena, bariantearena eta karabeleko zubian sortzen dena. Baita ere, autoen soinua (tuneatuak dauden kasuetan are gehiago), eta motoena.
- Abiadurak ez dira errespetatzen
- Inguru peatonal gutxi

### MERKATARITZA

#### Gaur egun dagoenaren inguruan zer AZPIMARRATUKO zenuke?

- Ingurumenarekin lotutako ekimenak: karabeleko.
- Eskaintza aniztasuna: herrian denetik erosteko aukera dago.

#### Zein uste duzu dela HUTSUNE nagusia?

- 10-13 urte bitarteko mutilentzat arropa eskaintzarik ez dago.
- Herritarrek ez dugu ezagutzen gure herrian dugun eskaintza
- Aparkalekuak eta trafikoa, ustez merkataritzan asko eragiten ari den zerbait da.
- Gertutasun pertzepzioa ezberdina da Hernanin edo Donostian, esaterako. Donostian oinez egiten ditugun bide edo distantziak erosketak egiteko, ez genituzke Hernanin egingo.
- Aparkaleku gehiago jartzearen beharra, linean daudenetatik, baterian jartzera bultzatuz.
- Karabeleko aparkalekuak ere kalte egingo zion seguruena herriko merkataritzari.
- Kaleak kotxeentzat prestatuak daude oinezkoentzat baino.

---

### **3. PROPOSAMENAK**

Hausnarketaren ondoren, nahi izan duen herritar orok proposamenak luzatzeko tartea ireki da. Horretarako herritar bakoitzak fitxa bat bete du, eta ondoren, norberak talde osoari aurkeztu dio.

#### **INGURUMENaren arloko proposamenak**

- *Errepideetako marrak margotu*
- *Poner en manos de las empresas ayudas para insonorizar motores*
- *Poner en manos de la Policía Municipal más medios y tiempo para controlar el ruido de las empresas y si cumplen las condiciones de la licencia de actividad.*

Gainontzeko ekarpen eta proposamenak internet bidez egingo dituztela adierazi dute gainontzeko partaideek.

---

#### 4. HURRENGO URRATSAK

Proposamen guztiak amaitu ostean Aztikerreko dinamizatzaileek prozesu honek izango dituen hurrengo fase eta urratsen berri eman dute:

- ✓ Proposamenak egiteko epea apirilaren 30ean bukatuko da. Ordura arte, herritar orok proposamenak egiten jarraitzeko aukera izango du.
- ✓ Prozesu honetan jasotzen diren proposamen guztien **aurkezpen publikoa egingo da, maiatzaren 6an**, arratsaldeko 19:00etan Udaletxeko Areto Nagusian.
- ✓ **Ekainaren 10ean** herritarrek egin dituzten proposamenak baloratzeko eta Udal Aurrekontuan zeintzuk txertatuko diren baloratzeko **irizpideen inguruko eztabaida** emango da. Saio hau nahi duen herritar ororentzat irekia izango da, eta Talde eragileko partaideak ere bertaratuko dira.
- ✓ Ondoren, **Udan, balorazio tekniko eta ekonomiko** egiteko tarteak izango dira.
- ✓ Irailetik aurrera, proposamen guztien artean 2016eko Udal Aurrekontuetan txertatuko ditugunak zeintzuk izango diren zehaztu beharko dugu saio irekien bitartez.

---

#### 5. SAIIOAREN BALORAZIOA

***Saioan parte hartu izanagatik eskerrak emanez, bukatutzat eman da bilera 2015eko apirilaren 27ean, 21:00etan***